



Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

V. Ne translatio electorum in Episcopos, post confirmationem, praeter assensum Romani Pontificis fiat.

urn:nbn:de:hbz:466:1-20006

558 Prima collectio Decretalium

magistrum non humiliter postulasse, sed improvidè potius elegisse, cùm ad obtinendum dispensationis beneficium procedendum fuisset, non per electionem prohibitam, sed per postulationem permisam, electionem ipsam prædicti canonis auctoritate cassatam denuntiamus irritam & inanem, parcentes non modicūm Wigorniensi Capitulo quòd eis nec pœnam infligimus expressam in canone suopradicto nec probare cogimus innocentiam quam allegant. Et quamvis post casulationem hujusmodi nobis à multis fuerit humiliter supplicatum ut propter causas prædictas dignaremur cum eo misericorditer dispensare, cùm ad dispensandum in talibus nullus se casus habilius posset offerre, quia tamen prædicto Capitulo liberam facultatem eligendi vel postulandi volumus reservare, supplicationem hujusmodi, quæ nomine Capituli non fiebat, cùm non ad postulandam dispensationem sed petendam confirmationem ipsius fuissent Capituli nuntij destinati, ad præfens non duximus admittendam, decernentes irritum & inane si quid super ordinatione ipsius episcopatus ante susceptionem litterarum nostrarum fuerit attentatum. Volumus igitur & mandamus quòd per Cantuariensem provinciam ex parte nostra facias distinctiū inhiberi ne quod de multis in eadem provincia, quod sine pudore non dicimus, inordinatè noscitur esse factum, de cetero contra formam præscriptam nullatenus attentetur. Sed si Wigorniente Capitulum eundem magistrum propter prærogativam meritorum ipsius duxerit postulandum, postulationem ipsius apostolicæ sedi præsentare procuret.

*IDEM BISVNTINO ARCHIEPISCOPO
& suffraganeis ejus.*

Lib. 1. epist.
523.

Cum ad nostram nuper notitiam devenisset quòd H. qui se pro Abate Luxoviensi gerebat, non ante fuerit monachus quam electus, nos attendentes quòd contra regulares traditiones istud fuerit attentatum, cùm nullus spem vel promissionem habens ut Abbas fiat debeat monachari, electionem de ipso factam de consilio fratrū nostrorum curavimus irritare. Quocirca mandamus quòd tam monachis quam aliis fidelibus monasterij memorati studeatis ex parte nostra districtiū inhibere ne præfato H. ullam obedientiam vel reverentiam propter

jamdictam electionem audeant exhibere. Et si quid in eodē monasterio disponendo perperam attentavit, nullius volumus habere robur firmitatis, sed penitus irritari.

*IDEM ROTHOMAGENSI
Archiepiscopo.*

PEr nostras postulasti litteras edoceri Lib. 1. epist.
utrum clericus aliquis ad vacantem Ecclesiam, in qua jus obtinet patronatus, se ipsum si idoneus est, valeat præsentare. Cùm igitur nullus se ingerere debeat ad ecclesiasticæ prælationis officium, inquisitioni tuae taliter respondemus quòd nullus se possit ad personatum alicujus Ecclesia præsentare, quantumcunque idoneus sit, & quibuscumque studijs & meritis adjuvetur.

IDEM CAPITVLO PENNENSI.

QUoniam electus à vobis ante confirmationem obtentam amministratio episcopatus se irreverenter immiscevit, & tam à Clericis quam à laicis juramenta recepit, non attendens quòd, secundūm Apostolum, nemo sibi debeat honorem assūmere, sed qui vocatur à Deo tanquam Aaron, nec donum scientiæ Pontificis conveniens fuerat assecutus, cùm juxta verbum dominicum *Qui fecerit & docuerit, magnus vocetur in regno cœlorum*, postquam nobis eundem præstantis electum, sufficienti examinazione præmissa, electionem de ipso factam, exigente iustitia, duximus irritandam.

T I T U L U S V.

Ne translatio electorum in Episcopos, post confirmationem, præter assensum Romani Pontificis fiat.

Idem Decano & Capitulo Andegavensi.

Intra corporalia & spiritualia eam Lib. 1. epist.
cognovimus existere differentiam, 532.
quòd corporalia facilius destruuntur quam construantur, spiritualia vero facilis construuntur quam destruantur. Unde juxta canonicas sanctiones Episcopus solus honorem dare potest, solus auferre non potest. Episcopi quoque à Metropolitanis suis munus consecrationis recipiunt, qui tamen non possunt nisi per Romani Pontificis sententiam condemnari. Cùm ergo fortius sit spirituale vinculum quam carnale, dubitari non debet quin omnipotens Deus spirituale conju-

Cap. Episcopum.
diff. 67.

gium quod est inter Episcopum & Ecclesiam suo tantum iudicio reservaverit dissoluendum, qui dissolutionem carnalis conjugij quod est inter virum & feminam suo tantum iudicio reservavit, præcipiens ut quod Deus conjunxit homo non separaret. Non enim humana sed divina potius potestate conjugium spirituale dissoluitur cum per translationem vel depositionem aut etiam cessionem auctoritate Romani Pontificis, quem constat esse Vicarium Iesu Christi, Episcopus ab Ecclesia removetur. Et ideo tria haec quæ præmissimis, non tam constitutione canonica quam institutione divina soli sunt Romano Pontifici reservata. Sicut autem Episcopus consecratus sine licentia Romani Pontificis suam non debet Ecclesiam derelinquere, sic & electus confirmatus præter ejus assensum suam deferere nequit Ecclesiam, cui est matrimonialiter alligatus, cum non debeat in dubium revocari quin post electionem & confirmationem canonicam inter personas eligentium & electi conjugium sit spirituale contractum, cui profecto episcopalibus dignitas nil addit, cum quis episcopaliter prædictus potestate, nullius tamen Ecclesia possit Episcopus esse. quemadmodum de illo contingit qui oneri pontificali renuntiat, non honori. Unde cum non majus sit vinculum Episcopi ad Ecclesiam quam electi, maximè cum fuerit confirmatus, immo idem penitus & non aliud, idem jus obtinet in utroque. Sicut ergo Episcorum translatio vel etiam depositio, sic & electorum cessione post confirmationem ratione spiritualis conjugij soli est Romano Pontifici reservata. Licet usque ad tempora ista quod cautum fuerat de Episcopis, expressum non fuerit de electis, propter expressam ramen similitudinem vel identitatem potius, nemini poterat videri dubium subtleriter in tenui, cum idem iudicium de similibus sit habendum. Sed neque illud quod in canone legitur de electo, ut si ultra v. menses per suam negligentiam retinuerit Ecclesiam viduatam, nec ibi nec alibi consecrationis donum percipiat, immo Metropolitanus sui cedat iudicio, aliter intelligentibus poterat suffragari, cum non intelligatur Ecclesia viduata quasi sponsum non habeat, sed quia cum sponsus ejus nondum sit consecratus, adhuc quoad quædam quasi viri manet sola-
tio destituta. Sicut juxta communem mo-

dum loquendi illa dicitur Ecclesia viduata quæ licet Episcopum habeat, inutilem tamen perhibetur habere. Nec quod de cessione subsequitur, & statutum fuit ad pœnam, trahi debet ad gratiam, ut sicut Metropolitanus iudicio electus deicatur, ita etiam ad aliam Ecclesiam possit transferri, præsertim cum nec sine auctoritate Romani Pontificis fiat cessione vel dejetio memorata, qui ut possint, ex canone illo, Metropolitanis indulxit. Unde si circa translationem idem fieri volueret quod de cessione duxerat, & de translatione poterat expressissime, & quod non est sanctorum patrum decreto sanctum, superficiosis non est ad inventionibus præsumendum; præsertim cum nunquam intelligatur prohibitum quod non inveniatur expressum. Sanè nos &c.

I D E M B I T V R I C E N S I
Archiepiscopo.

NE si universis universa licenter, par Lib. 1. epist. videatur in singulis jurisdictio fin. 117. golorum, & ex hoc Petri navicula sine remige fluctuaret, Dominus noster eam ad similitudinem humani corporis figuravit, ponens Romanam Ecclesiam caput ejus, & ad suum & ipsius obsequium certas secundum varia officia dignitatum ei pro membris adaptans, non ut omnia membra eundem actum haberent, sed dum permanerent in unius corporis unitate, sic ad implendam legem Christi alter alterius onera supportaret ut capiti suo, in quo est plenitudo sensuum, suis vicibus deservirent, nec ejus sibi officium alicujus præsumptionis audacia usurparer. Hujus autem Domini & magistri omnium magisterium sancti patres diligenter attentes maiores Ecclesiæ causas, utpote cessiones Episcorum & sedium translationes, sine apostolicæ sedis licentia fieri veteruerunt, ut ea quæ sola obtinet plenitudinem potestatis de his disponeret, nec liceret alicui de episcopatu ad episcopatum sine ipsis auctoritate transire. Quod venerabilis frater noster Turonensis Archiepiscopus minus quam honori suo expediret attendens, posuit sedem suam quodammodo ad aquilonem, & patris thalamum violavit, Magistrum W. de Chimilegio, qui in * Albricensi Ecclesia electus fuerat, & * Abrintensi, per Metropolitanum suum postmodum confirmatus in ea diutiùs ministrarat, in Andegavensem Ecclesiam tranferre præ-

560 Prima collectio Decretalium

sumens & in ipsa Episcopum præter auctoritatem sedis apostolicae consecrare, cùm dubium esse non debeat quod post electionem & confirmationem episcopatus Albricensi sacramentali conjugio fuerat alligatus, ac per hoc secundum Apostoli verbum querere solutionem non debuit nisi tantum ab eo quem illius constat esse Vicarium qui dicit in evangelio, *Quod Deus coniunxit homo non separabit.* Unde idem quoque magister de Chimeleio hujus non est credendus præsumptionis immunis, qui sponte passus est taliter se transferri. Ne igitur tanta præsumptio remaneat impunita, & ex hoc accrescat alii audacia delinquendi, fraternitati tuae per apostolica scripta mandamus quatenus licet hoc factum videatur esse notorium, quod etiam ipsius Archiepiscopi nuncij non præsumperunt in nostra præsentia diffiteri, ad abundantiorē tamēn cautelam inquisita diligentius veritate, si verum est quod asseritur, dictum Archiepiscopum à confirmatione, & consecratione Episcoporum, memoratum verò W. à pontificalis officij executione, donec super hoc aliud statuamus, omni contradictione & appellatio- ne cessante, auctoritate nostra suspen- das. Inquiras præterea diligenter veritatem si venerabilis frater noster Rothomagensis Archiepiscopus dictum W. ut sic transiret absoluit. Quamvis hoc ipsum non videatur aliqua posse tergiversione celari, cùm ipsius nobis litteræ fuerint præsentatae, per quas eum liberum & absolutum ad regimen Andegavensis Ecclesiæ transmittebat. Et si præmissis veritas suffragatur, eundem Archiepiscopum pari pena cum alio percelere non omittas; ne sit immunis a pena qui non est alienus à culpa. Sicut enim aliorum jura volumus illibata servare, sic jura nostra nolumus violari, cùm caritas exigat ordinata ut post Deum primò nos ipsos ac deinde proximos diligamus. Illud autem in defensionem erroris & excusationem excessus nemo debet inducere quod sanctæ memoriae Pelagius Papa constituit inquiens inter cetera: *Si conserandi Episcopi negligentia, provenerit ut ultra tres menses Ecclesia viduata constat, communione privetur quousque aut loco cedat aut conserandum non differat se offerre.* Quod si ultra quinque menses per suam negligentiam retinuerit viduatam Ecclesiam, nec ibi nec alibi consercationis donum perci-

piat, immo Metropolitani sui iudicio cedat. cùm rectè intelligenti dubium esse non debeat quin in alio casu loquatur, ne forte quod est statutum ad penam trahatur ad gratiam si per hoc Metropolitano licet eum quem electum in Episcopum confirmaverat, ut ad majorem episcopatum transiret absoluere. Sed & hujusmodi cesso, quæ potius est dicenda dejectione, non fit sine Romani Pontificis concessa licentia, cuius fines nemini licet excedere, qui per illam constitutionem Metropolitanis indulxit ut eos qui consecrari contempserint post præfinitum tempus ex illius constitutionis licentia possint deicere, ut nunquam de cetero valeant consecrari. Nec dicitur Ecclesia viduata quasi sponsum non habeat, sed quia cùm sponsus ejus nondum fuerit consecratus, adhuc quoad quædam quasi viri manet solatio destituta. Ne vero novū aliquid statuere super hoc videamur, quod contra venerabilem fratrem nostrum Patriarcham Antiochenum & L. Tripolitanum dictum Episcopum in simili causa sedes statuit apostolica præsentibus litteris fideliter duximus exprimendum. **ANTIOCHENO** Patriarchæ. Cùm ex illo generali privilegio quod beato Petro & per eum Ecclesiæ Romanæ Dominus noster indulxit canonica postmodum manaverint instituta continentia majores Ecclesiæ causas esse ad sedem apostolicam perferendas, ac per hoc translationes Episcoporum, sicut depositiones eorum, & sedium mutationes, ad summum apostolicae sedis antistitem de jure pertineant, nec super his præter ejus assensum aliquid debeat attentari, miramur non modicum & movemur quod tu, prædecessoris tui exempla secutus, qui motu propriæ voluntatis Mamistanensem in Tharsensem dicitur transtulisse, quondam Apamensem electum in Tripolitanam Ecclesiam transtulisti; nec tibi sufficit dicti prædecessoris tui præsumptionem solummodo imitari, immo etiam in injuriam nostram ipsius transgressus excessum, novo quodammodo promotionis genere parvifica- sti majorem, & magnum quodammodo minorasti, episcopare Archiepiscopum immo potius dearchiepiscopare præsumens, cùm dictus prædecessor tuus dictum Archiepiscopum de Tharsensi Ecclesia in Ecclesiam transtulerit similis dignitatis. Licet enim dictus L. nondum fuisse in Archiepiscopum consecratus, confirmationis

Cap. Quoniam.
dict. 100.

Innocentij III. Romani Pontificis. 561

firmationis tamen munus receperat, & archiepiscopalia, quantum ei licuerat, ministrarat; sicut ipsius relatione nobis innotuit, qui se Valenensem Episcopum, cum in nostra esset præsentia constitutus, afferuit confirmasse. Ne igitur perpetrandi similia ceteris audacia præbeatur si tantus excessus relietus fuerit impunitus, te ab Episcoporum confirmatione duximus suspendendum quoque super hoc aliud statuamus. J. L. dicto Tripolitanus Episcopo. Cum ex illo &c. ut supra usque movemur quod cum in Apamensi Ecclesia in Archiepiscopum fuisse electus, & confirmatione susceptra, quantum tibi licuerat, archiepiscopalia ministrasset, sicut ex tua relatione innotuit, qui olim apud sedem apostolicam constitutus venerabilem fratrem nostrum Valenensem Episcopum te confessus es confirmasse, in Tripolitanam te transferri fecisti, novo quodam promotionis genere non promotus, sed potius minoratus. Ne ergo perpetrandi similia ceteris audacia præbeatur si tantus excessus fuerit impunitus, te ab executione pontificalis officij duximus suspendendum donec super hoc aliud statuamus.

TITULUS VI.

Quod Metropolitanus ex justa causa potest vices suas in consecratione Episcopi suo suffraganeo delegare.

Idem Turonensi Archiepiscopo.

LIB. 2. epift.
77.

Quod sedem apostolicam consulitis super his quæ dubia tibi existunt, gratum gerimus & acceptum, & tua exinde fraternitas videtur meritè commendanda, cum lex divinae constitutionis eandem sedem totius posuerit orbis terrarum magistrum, ut quicquid dubitatur ab aliquo, ab ea tandem ejusdem ratio requiritur. Nos siquidem decrevisti providè consulendos utrum si forte aliqua infirmitate vel alia causa justa detentus aliquem suffraganeorum tuorum consecrare non posses, alicui coëpiscoporum tuorum vices tuas licitum tibi committere esset, & utrum electus qui pro consecratione instaret, ab eo cui vices tuas taliter commissæ deberet licet consecrari. In quo tale damus tuæ consultationi responsum, quod in tali articulo constituto & tuas vices, ut dictum est, committere tibi licet, & consecrandus debet mu-

Tom. I.

B B b b

nus consecrationis ab eo recipere cui eas duxeris committendas, dummodo catholicus habeatur & impedimentum ex subtractione gratiæ sedis apostolicæ non obstat.

TITULUS VII.

Ne simplices Sacerdotes quæ solis Episcopis competunt ex confuetudine libi usurpent.

Idem Vicario apud Constantinopolim.

Quanto de benignitate apostolicæ Lib. 2. epift.
212. sedis locum obtinetem celsorem, tanto tibi est sollicitiù curandum ut te talem exhibeas in agendis, non declinans ad dexteram nec ad sinistram, quod non minus re quam nomine vices apostolicas gerere videaris. Pervenit sanè ad audienciam nostram quod quidam simplices sacerdotes apud Constantinopolim ea sacramenta præsumunt fidelibus exhibere quæ ab Apostolorum tempore rite fuerunt solis Pontificibus reservata, ut est sacramentum confirmationis, quod christmando renatis soli debent Episcopi per manus impositionem conferre, ad excusandas excusationes in peccatis & sui erroris fomentum solam consuetudinem prætendentes, cum diuturnitas temporis peccata non minuat sed augmentet, quæ tanto graviora existunt quanto infelicem animam diutiùs detinent alligatam. Volentes igitur hæc & alia quæ oculos divinæ majestatis offendunt de agro dominico extirpari, mandamus quatenus omnibus Latinis Presbyteris apud Constantinopolim constitutis districte prohibeas ne talia de cetero sua temeritate præsumant, quæ licet non sint à fidelibus contemenda, tutius est tamen ea sine periculo ex necessitate, quæ legem non habet, omittere quam ab his quibus ea conferre non licet ex temeritate, quæ lege damnatur, non sine gravi periculo inaniter conferantur, cum umbra quædam ostendatur in opere, veritas autem non subeat in effectu.

